

周選絕句拾遺

詩集文集

庫	文	閣	內
三九	四〇	九	純
二	二	三	清
架	冊	號	類

庫	文	閣	內
三〇	三八	四	和
六	四	六	書
二	〇		
架	冊	號	類

內閣文庫		
番號	和 38460	
冊數	2 (2)	
函號	206	679




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





周
紉
給
饋


淺草文庫

餘聲

波滿

傳
墨
全
筆

壬子後月為
大觀士廣
八十更齋坦



周選唐賢絕句拾遺

東奧大觀崇士廣編選

北越 朝妻清容閱
南總 加藤房校錄

實接

華清宮

崔櫓

草。遮。回。磴。絕。鳴。鑿。雲。樹。深。深。碧。殿。寒。明。月。自。來。還。自。去。
更。無。人。倚。玉。闌。干。

通首以清麗之辭寫荒涼之狀無限風趣
比之杜常更高幾層所以冠乎此選也

天津橋春望

雍陶

津橋春水浸紅霞。煙柳風絲拂岸斜。翠輦不來金殿閉。宮鶯銜出上陽花。

猶是平始之音

寄懷崔雍

李商隱

竹塢無塵水檻清。相思迢遞隔重城。秋陰不散霜飛晚。留得枯荷聽雨聲。

韻稍下而情愈切是中晚諸家所以見長

蘇溪亭

戴叔倫

蘇溪亭上草漫漫。誰倚東風十二欄。燕子不歸春事晚。

一汀煙雨杏花寒。

後來方秋崖一派

題臨瀧寺

韓愈字退之中唐

不覺離家已五千。仍將衰病入瀧船。潮陽未到人先說。海氣昏昏浪拍天。

一片浩氣不以遠謫少挫所以為韓公詩諸選不收余拾以為滄海遺珠

以上共五首

從軍行

王昌齡

大漠風塵日色昏。紅旗半捲出轅門。前軍夜戰洮河北。

已報生擒吐谷渾。

語健而氣完五首中李選獨遺此詩者何耶

弔邊人

沈彬字子文晚唐

殺聲沈後野風悲。漢月高時望不歸。白骨已枯沙上草。家人猶自寄寒衣。

比之春閨夢裏句風趣不及而淒慘之語自能動人

勸行樂

雍陶

老去風光不屬身。黃金莫惜買青春。白頭縱作花園主。醉折花枝是別人。

與原選留與他人樂少年句同一感慨但白頭看花猶賢乎為沙上白骨歟為之悵然

嫦娥

李商隱

雲母屏風燭影深。長河漸落曉星沈。嫦娥應悔偷靈藥。碧海青天夜夜心。

有長生之福無夫婦之樂畢竟天上亦缺陷世界矣

以上共四首

華清宮

張祜

風樹離離月正明。九天龍氣在華清。宮門深鎖無人覺。半夜雲中羯鼓聲。

與崔櫓之詩同叙荒涼之狀而別弄機軸亦不可多得

客有卜居不遂薄游汧隴因題 許渾

海燕西飛白日斜。天門遙望五侯家。樓臺深鎖無人到。落盡春風第一花。

言大厦之不足恃以慰客也

襄陽寒食寄字文籍

戎昱

烟水初消見萬家。東風吹柳萬條斜。大堤欲上誰相伴。馬踏春泥半是花。

如此好時節何暇問食之寒熱

寒食日

方干 字雄飛晚唐

百花香氣傷行人。花底垂鞭日易曛。野火不知寒食節。穿林轉壑自燒雲。

人煙可禁野火不可禁寫得好笑

又

孟雲卿 字無考盛唐

二月江南花滿枝。他鄉寒食遠堪悲。貧居往往無煙火。不獨明朝為子推。

此則不必待禁者亦為之憫然

以上共五首

題稚川山水

戴叔倫

松下茅亭五月涼。汀沙雲樹晚蒼蒼。行人無限秋風思。隔水青山似故鄉。

暮春瀝水送別

韓琮 字成封 晚唐

綠暗紅稀出鳳城。暮雲宮闕古今情。行人莫聽宮前水。流盡年光是此聲。

宋氏林亭

薛能

地濕莎青雨後天。桃花紅近竹枝邊。行人本是農桑客。記得春深欲種田。

板橋曉別

李商隱

回望高城落曉河。長亭窗戶壓微波。水仙欲上鯉魚去。一夜芙蓉紅淚多。

醉著

韓偓

萬里清江萬里天。一村桑柘一村煙。漁翁醉著無人喚。過午醒來雪滿船。

以上共五首

楊柳枝詞

劉禹錫

城外春風吹酒旗。行人揮袂日西時。長安陌上無窮樹。

唯有垂楊管別離。

送李明府赴睦州觀大夫人

岑參

手把銅章望海雲。夫人堂上絳羅裙。嚴灘一點舟中月。萬里煙波也夢君。

蘭溪棹歌

戴叔倫

涼月如眉掛柳灣。越中山色鏡中看。蘭溪三日桃花雨。半夜鯉魚來上灘。

以上共三首

別湖上亭

戎昱

好是春風湖上亭。柳條藤蔓繫離情。黃鶯住久渾相識。欲別頻啼四五聲。

是為別一營妓而作者

栢林寺南望

郎士元 字君胄中唐

溪上遙聞精舍鐘。泊舟微徑度深松。青山霽後雲猶在。畫出東南四五峯。

尋盛禪師蘭若

劉長卿

秋草黃花覆古阡。隔林何處起人煙。山僧獨在山中老。唯有寒松見少年。

題靈徹上人舊房

張祜

寂寞空門支道林。滿堂詩板舊知音。秋風吹葉古廊下。一半繩床燈影深。

間淡一派既開金元人法門

以上共四首

早入皇城贈王留守僕射

白居易 字樂天 中唐

津橋殘月曉沈沈。風露淒淒禁署深。城柳官槐漫搖落。悲秋不到貴人心。

香山絕句非俗即薄求其超脫洵難宜原選之不載也余就集中特錄此一首不知中選字否

街西晚歸

鄭谷

御溝春水繞閑坊。信馬歸來倚短牆。幽榭名園臨紫陌。晚風時帶牡丹香。

念昔遊

杜牧

十載飄然繩檢外。樽前自獻自為酬。秋山春雨閑吟處。倚遍江南寺寺樓。

以上共三首

過華清宮

長安回望繡成堆。山頂千門次第開。一騎紅塵妃子笑。

無人知是荔枝來。

烽火舉而褒姒笑，妃子笑而荔枝來，飛禍入宮，今古同歎。

淮上與故人別

鄭谷

揚子江頭楊柳春。楊花愁殺渡江人。數聲風笛離亭晚。君向瀟湘我向秦。

辭盡而意不盡，神韻杳然。

按明謝茂秦嘗以此落句為太直，顛倒其文，改作一首，殊為可笑。今錄其詩，使讀者知靈頑之辨。曰：君向瀟湘我向秦，楊花愁殺渡江人，樽前行笛離聲慘，落日空江不見春。

江雨

陸龜蒙

半陂飛雨半陂晴。漁曲飄秋野調清。各樣蓮船逗村去。笠檐蓑袂有殘聲。

真是有聲之畫。

以上共三首

元和甲午歲詔書盡徵江湘逐客，余自武陵赴京。

宿於都亭，有懷續來諸君子。劉禹錫

雷雨江山起卧龍。武陵樵客躡仙蹤。十年楚水楓林下。今夜初聞長樂鐘。

十年在貶所，忽聞長樂鐘聲，其欣幸何如也。

落魄江湖載酒行。楚腰纖細掌中輕。十年一覺揚州夢。
贏得青樓薄倖名。

是詩之傷風教者特以其詩雄渾故錄之

春游鬱然有懷賦

羅鄴

芳草和烟暖更青。閑門要路一時生。年年點檢人間事。
唯有春風不世情。

嘆人事之不然也

以上共三首

上汝州郡樓

李益

黃昏鼓角似邊州。三十年前上此樓。今日山川對垂淚。
傷心不獨為悲秋。

情韻兼臻使人欲泣

經蘇秦墓

賈島

沙埋古篆折碑文。六國興亡事繫君。今日淒涼無處說。
亂山秋盡有寒雲。

有案無斷其實把蘇生六國事業付之一片寒雲耳

奉使薊門

竇鞏

自從身屬富人侯。蟬噪槐花已四秋。今日一莖新白髮。

賴騎官馬到幽州。

送客入蜀

楊凝

劍閣迢迢夢想間。行人歸路繞梁山。明朝驛馬搖鞭去。秋雨槐花子午關。

想見客路險惡

發渝州却寄韋判官

司空曙

紅燭津亭夜見君。繁絃急管兩紛紛。平明分手空江遠。唯有猿聲滿水雲。

黯然消魂

以上共五首

謝亭送別

許渾

勞歌一曲解行舟。紅葉青山水急流。日暮酒醒人已遠。滿天風雨下西樓。

別後之恨甚於別時。寫得更黯然。

江陵使至汝州

王建

回看巴路在雲間。寒食離家麥熟還。日暮數峯青似染。高人說是汝州山。

亦是馬頭米囊矣。

周選唐詩集卷之十一

寧靜閣藏

南游感興

竇鞏

傷心欲問前朝事。唯見江流去不回。日暮東風春草綠。鷓鴣飛上越王臺。

金谷園

杜牧

繁華事散逐香塵。流水無情草自春。日暮東風怨啼鳥。落花猶似墜樓人。

巧甚然在小杜要非其至者

齊安郡後池

菱透浮萍綠錦池。夏鶯千轉弄葦葦。盡日無人看微雨。

鴛鴦相對浴紅衣。

野步

鄭谷

翠嵐迎步興何長。笑領漁翁入醉鄉。日暮渚田微雨後。鷺鷥閑暇稻花香。

二首風調相似亦各有其妙

以上共六首

咏酒

汪遵字無考晚唐

萬事消沈向一杯。竹門啞軋為風開。秋宵睡足芭蕉雨。又是江湖入夢來。

明選唐詩集卷之十一

十一

寧靜閣藏

周選唐詩卷之十

寧靜閣藏

寄鄰莊道侶

韓偓

聞說經旬不啓關。藥窓誰伴醉開顏。夜來雪壓前村竹。剩見溪南幾尺山。

雪曉真景
寫得如畫

秋霽

崔道融 字無考
晚唐

雨霽長空蕩滌清。遠山初出未知名。夜來江上如鈎月。時有驚魚擲浪聲。

纖巧
亦妙

以上共三首

席上贈歌者

鄭谷

花月樓臺近九衢。清歌一曲倒金壺。坐中亦有江南客。莫向春風唱鷓鴣。

草堂村尋人不遇

岑參

數株垂柳欲依依。深巷斜陽暮鳥飛。門前雪滿無行跡。應是先生出未歸。

以之後二首風格更
高所以為盛唐之詩

霽雪

戎昱

風捲寒雲暮雪晴。江煙洗盡柳條輕。檐前數片無人掃。

胡蝶集卷之十

十二

卷之十

又得書窓一夜明。

漁者

張喬

首戴圓荷髮不梳。葉舟為宅水為居。沙頭聚看人如市。釣得澄江一丈魚。

二首宋代范楊諸家所書錄此備一體

以上共四首

寒食寄京師諸弟

韋應物

雨中禁火空齋冷。江上流鶯獨坐聽。把酒看花想諸弟。杜陵寒食草青青。

過襄陽上于司空頓

李涉

方城漢水舊城池。陵谷依然世自移。駐馬獨來尋故事。逢人唯說峴山碑。

借羊叔子遺愛以諷于公也

漫書

司空曙

長擬求閑未得閑。又勞行役出秦關。逢人漸覺鄉音異。却恨鶯聲似故山。

須知恨字是喜字

題真上人院

杜牧

清羸已近百年身。古寺風煙又一春。寰海自成戎馬地。惟師曾是太平人。

語涉治亂無限感慨諸選皆不收者何耶

縱游淮南

張祜

十里長街市井連。月明橋上見神仙。人生只合揚州死。禪智山光好墓田。

贈少年

温庭筠

江海相逢客恨多。秋風葉落洞庭波。酒酣夜別淮陰市。月照高樓一曲歌。

以上共六首

寄人

張泌

別夢依依到謝家。小廊甲合曲欄斜。多情唯有春庭月。猶為情人照落花。

過金陵

韋莊字端已晚唐

江雨霏霏江草齊。六朝如夢鳥空啼。無情最是臺城柳。依舊烟籠十里堤。

白蓮

陸龜蒙

素蘂多蒙別艷欺。此花端合在瑤池。無情有恨何人覺。

唐詩選卷之六

青陽雜詠

月曉風清欲墮時。

螢

羅鄴

水殿清風玉戶開。飛光千點去還來。無風無月長門夜。偏到階前點綠苔。

二首極寫動植之神。不
得以其小品故遺之。

望夫詞

施肩吾 字希聖
中唐

手爇寒燈向影頻。迴文機上暗生塵。自家夫婿無消息。却恨橋頭賣卜人。

柳

羅隱

灞岸晴來送別頻。相偎相倚不勝春。自家飛絮猶無定。爭把長條絆得人。

唐人詠柳者。每家有之。是
首出一機軸。殊覺警拔。

以上共六首

虛接

回鄉偶書

賀知章 字季真
盛唐

離別家鄉歲月多。近來人事半消磨。唯有門前鏡湖水。春風不改舊時波。

賀監回鄉二首。余舍前
詩取後首。此意少人知。

照選唐詩

寧靜閣藏

和練秀才楊柳

楊巨源 字景山中唐

水邊楊柳綠煙絲。立馬煩君折一枝。唯有春風最相惜。慙慙更向手中吹。

情思纏綿

暮春歸故山草堂

錢起

谷口春殘黃鳥稀。辛夷花盡杏花飛。始憐幽竹山窓下。不改清陰待我歸。

喜色溢紙

隴西行

陳陶 字嵩伯中唐

誓掃匈奴不顧身。五千貂錦喪胡塵。可憐無定河邊骨。猶是春閨夢裏人。

苦語不堪讀

按唐仲言云是詩晚唐中堪泣鬼神于鱗莫之選直為首句欠渾厚耳然徑尺之壁正不當以絨瑕弃之

和令狐相公牡丹

劉禹錫

平章宅裏一欄花。臨到開時不在家。莫道兩京非遠別。春明門外即天涯。

西京道中聞蛙

吳融

雨餘林外夕烟沈。忽有蛙聲伴客吟。莫恠聞時倍惆悵。

唐詩選

卷之七

稚圭蓬華在山陰。

春日偶題城南韋曲

韋莊

韋曲城南錦綉堆。千金不惜買花栽。誰知豪貴多羈束。落盡春紅不見來。

盧江途中遇雪寄李侍御

朱慶餘 字可久 中唐

蘆葦風多雁滿陂。濕雲連野見山稀。遙知將吏相逢處。半是春城賀雪歸。

首二句伏雪字末句纔點雪字唐人多有此法

漢江

胡曾

漢江一帶碧流長。兩岸春風起綠楊。借問膠船何處沒。欲停蘭棹祀昭王。

長信宮

孟遲

君恩已盡欲何歸。猶有殘香在舞衣。自恨身輕不如燕。春來還繞御簾飛。

自玉顏不及寒鴉色句來

同李十一醉憶元九

白居易

花時同醉破春愁。醉折花枝當酒籌。忽憶故人天際去。計程今日到梁州。

再閱諸選又得此一首
淺而不俚方是妙境

以上共十一首

郵亭殘花

張祜

雲暗山橫日欲斜。郵亭下馬對殘花。自從身逐征西府。
每到花時不在家。

寫盡宦境
使人慨嘆

旅次寄湖南張郎中

戴叔倫

閉門茅底偶為隣。北阮那憐南阮貧。卻是梅花無世態。
隔牆分送一枝春。

亦東風不
世情之意

寄弟

張喬

故里行人戰後疎。青崖萍寄白雲居。那堪又是傷春日。
把得長安落第書。

第二青崖白雲
如畫家設色

村笛

韋莊

簫韶九奏韻淒鏘。曲度雖高調不傷。却見孤村明月夜。
一、殷牛笛斷人腸。

落想自
天外来

蕉葉

徐夔 字昭夢 晚唐

綠綺新裁織女機。擺風搖日影離披。只應青帝行春罷。閑倚東風卓翠旗。

與前首同 一奇想

以上共五首

早入諫院

鄭谷

紫雲重疊抱春城。廊下人稀唱漏聲。偷得微吟斜倚柱。滿衣花露聽宮鶯。

富麗典雅宛然正始之音

長門怨

崔道融

長門花泣一枝春。爭奈君恩別處新。錯把黃金買詞賦。相如自是薄情人。

稍露筋骨

七里瀨送嚴維

劉長卿

秋江渺渺水空波。越客孤舟欲榜歌。手拆衰楊悲老大。故人零落已無多。

江上別李秀才

韋莊

前年相逢灞陵春。今日天涯各避秦。莫向尊前惜沈醉。

與君俱是異鄉人。

重別曾主簿

時諸妓同餞余亦明日歸姑孰

許渾

淚沾紅粉濕羅巾。重繫蘭舟勸酒頻。留却一枝河畔柳。明朝猶有遠行人。

山居喜友人見訪

李洞

入雲時斲茯苓還。日暮逢迎水雲間。看待詩人無別物。半潭秋水一房山。

以上共六首

洛中即事

竇鞏

高梧葉盡鳥巢空。洛水潺湲夕照中。寂寂天橋車馬絕。寒鴉飛入上陽宮。

鄆杜郊居

溫庭筠

槿籬芳援近樵家。隴麥青青一迳斜。寂莫遊人寒食後。夜來風雨送梨花。

春怨

劉方平

紗窗日落漸黃昏。金屋無人見淚痕。寂莫空庭春欲晚。梨花滿地不開門。

貧居春怨

雍陶

貧居盡日冷風煙。獨向檐牀看雨眠。寂寞春風花落盡。
滿庭榆莢似秋天。

以上共四首

醉後

劉商

春月秋風老此身。一瓢長醉任家貧。醉來還愛浮萍草。
漂寄官河不屬人。

溪興

杜荀鶴

山雨溪風捲釣絲。瓦甌蓬底獨斟時。醉來睡着無人喚。
流下前灘也不知。

和襲美春夕酒醒

陸龜蒙

幾年無事傍江湖。醉倒黃公舊酒壚。覺後不知明月上。
滿身花影倩人扶。

清麗無比

和襲美釣侶

雨後沙塵古岸崩。魚梁移入亂雲層。歸時月落汀洲暗。
認得妻兒結網燈。

漁家實際

以上共四首

用事

題楚昭王廟

韓愈

丘墳滿自衣冠盡。城闕連雲草樹荒。獨有國人懷舊德。一閒茅屋祭昭王。

過鴻溝

龍疲虎困割川原。億萬蒼生性命存。誰勸君王迴馬首。真成一擲賭乾坤。

韓公之詩每以氣魄勝。所以李杜外別成一家。

楚懷王

崔道融

宮花一朶掌中開。緩頰翻為敵國媒。六里青山天下笑。張儀容易去還來。

欲置懷王於何地

始皇陵

羅隱

荒堆無草樹無枝。懶向行人問昔時。六國英雄漫多事。到頭徐福是男兒。

箇老亦好男子

經秦始皇墓

許渾

龍盤虎踞樹層層。勢入浮雲亦是崩。一種青山秋草裡。

唐人唯拜漢文陵。

三四何其辭優柔而有味也。

長城

汪遵

秦築長城比鐵牢。蕃戎不敢過臨洮。雖然萬里連雲際。爭及堯階三尺高。

筆力扛鼎。

登樂游原

杜牧

長空澹澹孤鳥沒。萬古銷沈向此中。看取漢家何事業。五陵無樹起秋風。

渭上題

温庭筠

呂公榮達子陵歸。萬古煙波遶釣磯。橋上一通名利跡。至今江鳥背人飛。

竟乏温厚之貞。

劉郎浦口號

呂温 字化光中唐

吳蜀成婚此水潯。明珠步障屋黃金。誰將一女輕天下。欲換劉郎鼎峙心。

沈叟別裁獨取此詩亦有見。

石頭城

劉禹錫

山圍故國周。遭在潮打空城寂。莫回淮水東邊舊時月。夜深還過女墻來。

不著一箇議論而六朝興亡宛然在眼樂天云後之詩人不復措辭非虛譽也

煬帝陵

羅隱

入郭登樓出郭船。紅樓日日柳年年。君王忍把平陳業。只換雷塘數頃田。

一二造語之妙三四議論之平

蔡中郎墓

温庭筠

古墳零落野花春。聞說中郎有後身。今日愛才非昔日。

無拋身力作詞人。

雜興

陳陶

一顧成周力有餘。白雲閑釣五溪魚。中原莫道無麟鳳。自是皇家結網疎。

以上共一十三首

前對

雪中偶題

鄭谷

亂飄僧舍茶煙濕。密灑歌樓酒力微。江上晚來堪畫處。漁人披得一蓑歸。

下第後上高侍郎

高蟾

天上碧桃和露種。日邊紅杏倚雲栽。芙蓉生在秋江上。不向東風怨未開。

悲憤之情以和平之語出之妙

雨

杜牧

連雲接塞迢迢遠。洒幕侵燈送寂寥。一夜不眠孤客耳。主人窗外有芭蕉。

白牡丹

韋莊

閨中莫妬新妝婦。陌上須慙傅粉郎。昨夜月明渾似水。

入門唯覺一庭香。

極力托出白字

以上共四首

後對

苑中遇雪

宋之問 字延清 初唐

紫禁仙輿詔旦來。青旂遙倚望春臺。不知庭霰今朝落。疑是林花昨夜開。

昭陽曲

劉長卿

昨夜承恩宿未央。羅衣猶帶御爐香。芙蓉帳小雲屏暗。

楊柳風多水殿涼。

臨海所居

家在雙峯蘭若邊。一聲秋磬發孤烟。山連極浦鳥飛盡。月上青林人未眠。

題友人山居

戴叔倫

四郭青山處處同。客懷無計荅秋風。數家茅屋清溪上。千樹蟬聲落日中。

涼州曲

柳談字無考中唐

關山萬里遠征人。一望關山淚滿巾。青海城頭空有月。

黃沙磧裏本無春。

以上共五首

物體

驛樓

韓偓

流雲溶溶水悠悠。故鄉千里空回頭。三更獨倚闌干月。淚滿關山故驛樓。

富春

吳融

天下有水亦有山。富春山水非人寰。長川不是春來綠。千峯倒影落其間。

周選唐詩總合拾遺

寧靜閣藏

秋山

張籍

秋山無雲復無風。溪頭看月出深松。草堂不閉石牀靜。葉間墜露聲重重。

以上共三首

側體

路傍墓

耿湣字洪源中唐

石馬雙雙當古樹。不知何代公侯墓。墓前靡靡春草深。唯有行人看碑路。

洞宮夕

陸龜蒙

月午山空桂花落。華陽道士雲衣薄。石壇香散步虛聲。松露清冷滴棲鶴。

春夢

岑參

洞房昨夜春風起。遙憶美人湘江水。枕上片時春夢中。行盡江南數十里。

僧房聽雨

盧士衡字無考晚唐

古寺松軒雨聲別。寒窓聽久詩魔發。記得前年在赤城。石樓夢覺三更雪。

江上晚泊

左偃字無考晚唐

月暈昏色句合意

廿七

寧靜閣藏

寒雲澹澹天無際。片帆落處沙鷗起。水濶風高日復斜。
扁舟獨宿蘆花裏。

渡浙江

盧綸

前船後船不相及。五兩頭平北風急。飛沙卷地日色昏。
一半征帆浪花濕。

以上共六首

通計一百二十六首

周選唐賢絕句拾遺

文獻通考

周選唐賢絕句拾遺

周選唐賢絕句拾遺

周選唐賢絕句拾遺

